

Великай датать васьфтьсаськ достойнайста

1920-це кизось. Гражданский войнаны суровой пингсь. Советский од странась, конац винге ульсь лафча, мужественна тапсезень белогвардейщина и иностраннай интервенттень атакасон.

Ся памятнай кизонь октябрь 2-це шестонза Москву ошса панжевсь Российский Коммунистический Од ломанень Союзть III-це с'ездоз.

Тя пингти комсомольс йотась нюрхкья, но победнай ки, няфтемок тевса, бойхнень эса беспредельнай верностенц Ленинонь—Сталинонь партияснонды.

И вов, мзярда сась ламос учф с'ездонь панжема частсь, мзярда трибунать лангс эвондась трудящайхнень великай вождсьна Владимир Ильич Ленин, мзярда лоткасть содейна тиф овациятне, делегаттне культь речь, конац комсомолти максесь гигантский од вий, вдохновляндакшнезе од подвикненьди, Ленин мяргсь: эряви тонафнемс, тонафнемс коммунизмати.

Тонафнемс коммунизмати—Владимир Ильичсь тя задачьт путнезе аф сяка кизонди, мзярда ульсь III-це с'ездсь. Сонь мудрай и прозорливай речец Од ломанень Коммунистический Союзть работанц определяндазе кемотть кизонди. Идейнай и практический работаса сон ащи программас, комсомолти кинь няфти звездас.

Тя замечательнай речть эрь мысляц и тининге эряй, а вдь йотась ни комсь киза! Тя речсь кармай эряма лама, лама кизот. Сонь мархтонза воспитандакшнесть и тининге воспитандакшнесть минь отчизнае од ломанень целай поколенийт.

Речсь, конае Владимир Ильичсь азозе комсомолецненьди комсь кизода инголе, тонафты, кода эряви эрямс и работамс, тюремс народть благанц инкса, коммунизма тевонц торжестванц инкса.

Штоба строямс коммунистический общества, эряви улемс беспредельна вернайкс революционной тевти, эряви лама содамс, тонадомс культура, тонадомс марксизма тевонц торжестванц инкса.

Ильичсь корхтась, што комсомолецне должетт улемс ударнай группакс, конат всякай работаса няфнихть эсь инициативасон, эсь починцон. Ленинский тя ценнейшай указанийсь минь союзоньконь сембе деятельностьнц пингста комсомолти ульсь законкс, сонь мархтонза руководствуемсь и тининге.

Штоба йотафтомс эряфс великай задачьт, фалу улемс инголе,—комсомолецне должетт апак сизьсек кемокснемс сотксть сембе од ломаттнень мархта. „Коммунизмань тя строительствати рабочей и крестьянский од ломанень массатнень апак сувафтт тинь коммунистический общества аф тихтыда“—тонафтысь Владимир Ильичсь комсомолецнень. Комсомолецнень од ломаттнень лангс влияниясон именна тья эса ащи вийца. Тя указанийсь особай значения приоб-

ретандакшни тини, мзярда отчетно-выборнай собраниятнень и комсомольский конференциятнень эса минь проверякшнесаськ сембе эсь деятельностьненьконь и од ломанень широкай массатнень мархта эсь сотксоньконь.

В. И. Ленинсь обрисовал высокую моральной облик, конае мархта должетт обладандамс эрь комсомолецсь, минь странань передовой эрь од ломань. Тя обликсь тиендеви, васендакиге, революционной тевти глубокай преданностьста, железной сознательнай дисциплинаста, упорнай кропотливый тевста. Ленин мяргсь, што коммунистический нравственность основаса ащи коммунизма тевкемостаманц и завершенианц инкса тюремась. Эряви эрямс и работамс стая, штоба сембе пингста каннемс польза эсь родинасти и народцти.

Владимир Ильич эсь речсонза эряфонь великай правдивостьса няфтезе буржуазнай моральт мерзостенц, конае служай паразитонь кучка хитнический интересонды, конат обирают и эксплуатируют трудящайхнень. Минь ломаненьконь сознания капиталистический пережиткатненьди: трудти ингольдень отношениатненьди, эгоизмат, тевть эзда валть аердаманцы, расхлябанности и разгильдяйствати эряви объявить решительнай тюрема. Ленин ялгась эсь выступленианзон и статьянзон эса тья аф весть лятфнезе. Тья колга минь должетта мяляфтомс и тининге.

Владимир Ильич Ленинть речь—ценнейшай сокровища, конае эряви тонафнемс и тонафнемс. Ленинский огненной валсь эряй, побеждает, минь тевоньконь мольфтысь инголи.

Ся знаменательнай шить эзда сывомок 9 шиди меле топоди комсь киза, мзярда Ленинъ азсь речь „Од ломанень Союзть заданзон колга“.


Комсомольский аф кржа организацият кунакиге ни ушедсть аноклама замечательнай шити. Сия сатнихть сянь, штоба эрь комсомолецсь, эрь од рабочайсь, колхозниксь, служащайсь и учащайсь цебарьста тонадолезь Ленинский речть. Катк эрь комсомолецсь нинге и нинге весть моральтсы Владимир Ильичть замечательнай реченц, арьсесыне ленинский мудрай валхнень, кизефтысь эсь прянц, сембонь ли сон тиезень, штоба пашкодемс сянь, коза тьяфтама страстна, тьяфтама горячайста тернесь человечество генийсь Ленин ялгась.

Великай Сталинъ тонафты:

„Мяляфтошь, кельгость, тонафнесть Ильичть, минь учительненьконь, минь вождененьконь.“

Тюрета и шавондоть врачнень, внутренниехнень и внешниехнень,—Ильичть лада.

Мзярдонга тья атакзакшне работаса, йомланять эзда, иба йомланять эзда тиеви великай,—тья эса Ильичть важнейшай заветонзон эзда фкась“.



Латвийский ССР-са.

Ригаса государственной „ВЭФ“ электрофабриксы ноляй кемоньшка различнай образца радиоаппаратуры. СНИМКАСА: тиф ни радиоаппаратуры. Кержи ширеса радиомонтерсь (Фото-клише ТАСС-ть).

САРАНСК ОШЕНЬ КОМСОМОЛЬСКИЙ КОНФЕРЕНЦИЯСТА

ВЛКСМ-нь горкомт секретаренц Потемкин ялгать отчетнай докладтонза меле ушедсть прениятне.

—Тяса сепондомс аш мезе,—корхтай пенькокомбинатонь комсомольский комитетт секретаренц Кучайкина ялгась,—эряви азомс видеть, што пенькокомбинатонь комсомольский организациясь лувондови ошса фкя инь оцю производственной организациякс, но работась аф завиднай. Минь педальс ашеськ организоваанда нльне ВЛКСМ-нь ЦК-ть XI-це пленумонц решенианзон эряфс йотафтомасон. И тя тевса пях кржа лездсь тейнекс ВЛКСМ-нь горкомсь. Аф ваномок сянь лангс, што ульсь минцонк платнай секретарь, а работась мольсь эсь отям....

Пединститутонь комсомольский комитетонь секретарсь Дорожкин ялгась кемоста критиковандазе ВЛКСМ-нь горкомт работанц. Сон корхтась, што горкомт марнекс руководстват ульсь кабинетнай, докладчиксь аф случайна ашезе лятфне нльне институтке.

Но аф ваномок тья лангс, пединститутса комсомольский организациясь сатсь оцю сатфкст. Успешностьсь студенттнень йоткса кассь ингольцен кизоть коряс 7 процентта. Комсомолецнень йоткса 70 отличник.

Сяда меле выступил Кировть лемса артелен комсомольский организациянь секретарсь Демин ялгась, конац тьяфтажа корхтай, што горкомсь ашезь макссе сатомшка практический лезкс и ашезь сашенда горкомста фкявок представитель комсомольский организациянь. Но сембе сяка производственникнень-комсомолецнень йоткса 6 стахановецт, конат нормасон пашкотыкшнесазь 150 процентс.

Тяда меле, конференциять приветствондама састь Саранский пионерхне. Делегаттне пионерхнень васьфтезь бурнай аплодисментса. Пионерхнень кядьса ульсь

Сталин ялгать портретонц и планк, коза сьорматф: „Спасиба Сталин ялгати павазу детстванкса!“.

12-це № школань ВЛКСМ-нь комитетт секретаренц Фадеевсь азондозе, кода сия занязь васеньце васттнень детский творчество и самостоятельность олимпиадаса и обороннай соревнованиатнень эса.

Пренияса выступандайда ульсь пях лама и сембе сия кемоста критиковандазе ВЛКСМ-нь горкомт работанц.

Тиемок общай итог прениятненьди, ВЛКСМ-нь Мордовский обкомт секретаренц Соловьев ялгась корхтась, што основной аф сатыксь горкомт работаса ся, што аф сатомшка мольфтевь воспитательнай работаса, кядьдывста пашкотыкшневсть 18 партс'ездть исторический решенианза и аф сатомшка активной участия примосесь комсомольс хозяйственной и государственной строительстваса.

Соловьев ялгась пях обстоятельна лятфнезень лангс ВЛКСМ-нь горкомт сембе аф сатыкшонзонц и наметил од практический мероприятия горкомт одс кочкави составонцы работать вишкоте-маса. Тья лангс прениятня аделавсть.

Сяда меле ушедсь кандидатурань обсуждениясь. Тайнай голосованиаса конференциясь кочкась 35 ломаньнта од пленум. 7 ломатть пленумонь членонди кандидатокс и 7 ломатть ревизионнай комиссиянь членкс. Тья пингова кочкаф ВЛКСМ-нь областной конференциянь 19 делегат.

Одс кочкаф пленумсь организационнай заседаниясонза ВЛКСМ-нь горкомти секретарькс кочкась Потемкин ялгать. Васень заместителькс кочкаф Ерофеева ялгась и омбоце заместителькс кочкаф Щеглов ялгась.

ОРДЕНОНОСЕЦСЬ ИТТНЕНЬ ЙОТКСА

Сентябрь 22 шистонза сказителнича, орденосецс Фекла Игнатъевна Беззубовась Саранск ошнь центральной библиотекасас васадець эсь йомла читателензон, ошнь школатненъ эзда ученикненъ и ученицатненъ мархта.

Весаля, радостнай ульсь тя васадемась.

Фекла Игнатъевнати ученикненъ эзда азсь приветствия 9 школанъ ученикас Мурзакаевась. Нюрхкянста, но ламбе валса, корхтамдонза меле сон казсь тейнза альбом и мазы панчф букет.

Тяда меле Фекла Игнатъевнати приветствовандазь 12 и 1 школатненъ эзда ученикне.

Фекла Игнатъевна, —корхтайхть ученицатне, —минь, тонь од читательхне, седи вакса кельгсаськ тонь замечательнай произведенийтненъ. Минь арьсетяма тейть цебярш шумбраши, раттама эрямс нинге лама киза.

Тоса Ф. И. Беззубовась иттенди азсь ответнай вал и нюрхкянста азондозе эсь эряфонц. Сон корхтась, што сембе одксшиц йотась кулаконди и помещиконди стака работаса, горяса, нуждаса, вачашиса. Тейнза ашель кода кайгиста морсемс кельгови моронзон. Авычек тани сонь мархтонза дружнайгодсь радостсь, анычек тани сонь апак пельхть панжевсь кургоц и кайгозевсь мазы вайгялец.


Тоса сон сявозе кядезонза шра лагста панчф букетсь, кепозезе вяр и мярьгсь:

— Тонафнеда, касондод, иднят! Панжеда, кода тя панчф букетсь!

Тянь мархта сказителнича аделазе корхтаманц и мекольденъ валонза ваясь кайги аплодисменттненъ йоткса.

Сяда тов Ф. И. Беззубовась моразень иттенди „Паравал—трудовой народти“, „Мора летчикненъ колга“ эсь замечательнай сказонзон, и тянь мархта васадемась аделавсь.

А. Мокшанский.



Советский Литвань ошенза

Неман лять ширде Каунас ошт лангс видсь.

(Фото-клишес ТАСС-ть).

Комитету кочкафт достойнайхне

Алова велень средний школанъ комсомолецне эсь отчетно-выборнай собраниясост большевистский кеме критикас таргазь ингольденъ комитетт работанц, лихтезь лангу сембе аф сатыксненъ.

Выступающей ялгатне, васенда-киге, азозь, што комсомольский организациясь во главе комитетт мархта вельф калдявста занима-дакшнесь школаса успеваемостть касфтоманц мархта, сон ашезе организовада соцсоревнованиять цебярста и отличнайста тонафнемать инкса.

Комсомолецне калдявста кепсась эсь политический образованиенон. Ламотне синь эздот ашихть „ВКП(б)-ть историйнц Краткой курсонц“ васенце главонзон лангса, а кой-конат сонь тонафнемонза нинге афи кярмьоткшнесь.

Школаса аф йомла пионерский организациясь, во пионервожатайхненъ тевти безответственностнон сюнеда сон аф работай. Итне катфт эстейст, апак организовандак синь йотксост кружковой, самостоятельной работась, и итне

йотафнесазь эсь досугнон синць, кода маштыхть. Ламотне синь эздот колсезь школьной дисциплинать. Кепотьксонди, Чивдайкин ученикс налкхондсь орлянкаса и таркессь мархтонза лиятненъ. Лама ученик, кода Ведяев, Приезжева, Спиридонов и лиятне, каф-тонь-колмонь ши ашесть яксе школав, класса хулигандакшнесь.

Мес жа калдявста работась комсомольский организациясь? Да сяс, што ингольденъ комитетса ашесть безответственной ломатть. Комсомолецне нинге тя пингс ашезь тонафне ВЛКСМ-нь ЦК-ть XI пленумонц материалонзон, работась, кода няеви, молись эсь отям.

Комсомольский собраниясь од комитетт составс кочказень школанъ лучшей комсомолецненъ: учительница А. П. Бажановат, Ведяшкинт, Буяновт, Железова и Пугачева ялгатненъ. Комитетсь эсь васенце заседаниясонза секретарькс кочказе Бажанова ялгать.

В. Я. Начаркин.

Атяшевский район.

Англо-германский войнась

Германский командованиять сводканзон эса азонткшнени, што сентябрь 20 и 21-це шинзон пингста германский авиациясь мольтфезень эсь налетонзон Лондонть лангс. Пяк поврежденнайхть разнай военной объектне, конат ашихть ошт кучкаса. Темзат районца нинге апак матт пожархне, конат ушедсть германский авиациять ингольденъ налетонзон сюнеда.

Германский информационный бюрось пачфтезень военной действиятненъ неделянь обзорнон. Сонь эсонза корхтави, што кафта миллиотт килограмма бомба, конат йордафт Англиять лангс, странать продовольствияс снабжениянц путозь угроза алу. Английский флотсь аф рисковандакшни сяда ламоксть сувсемс бойс германский воздушнай и морской вийхненъ каршес. Английский флотть палец повсь Средиземнай моряса ловушкас, коста коданга аф лисеви.

Рейтер агентствась пачфни, што английский авиациясь тиенди упорнай налетт германский войскатненъ базаснон лангс, конат ашихть Ла-Маншть побережьяса. Налетне йотафневихть кафта неделятненъ пингста пцтай эрь веня. Английский бомбардировщикне йоряхть фугаснай и зажигательнай бомбат. Инь пач сиде и ожесточеннай атакатненди таргавсь Булонь, Кале, Дюнкерк портне. Арьсикхть, што Германиять ломанень и военной материяльн имаксонза пач оцют. Бомбардировкати таргаф баржатне ульсь пашксет солдатта, конат снаряженнайхтельхть прважамс Ла-Маншть эрга.

(ТАСС).

Химический соревнования

Сентябрь 19-це шистонза Мордовский педагогический институтса ушедсть Химический соревнованият, конат йотафневихть Осоавиахимонь первичнай организациять председателенц Гордеев ялгать руководстванц ала.

Соревнованиятне кармайхть молема октябрь 25-це шинцты самс.

В. Моськин.

Саранск ош.

МАРНЕК ЭРЯФСОН ВАСЕНЬ РАДОСТЬ

Пингсь нинге раналь. Саранскийнъ призывной пунктть перьф шарсть праздничнай щамса шафкаряф бодрой и жизнерадостнай призывникне. Синь шамасост крфазь крфай оцю радостсь. Синь аш вастса ащемасна, сувайхть агитпункту, коса гайняхть гармошкань мелодичнай звукне, седи таколфтыхть „Провожаение“ мороть приятнай вайгяленза, конат шоворькшнесь гармошкань переливной вайгяльхненди. Синь сувайхть вооружениянь и военной техникань выставкав, коса кельгсезь шарыхть самолетонь моторть перьф, шарфнесазь оржа бока пропеллерть, знакоминдакшнихть станковой пулеметт частензон взаимодествияснон мархта. Оцю волненияса учи кажнайсь, мзярда пшкядьсазь лемснон, фамилияснон и тердсазь призывной комиссияти.

Комнатась, коса ащи призывной комиссиясь, наряжаф обороннай плакатса, стенава пач прилежнайста путнефт Якстерь Армиять руководителензон — Советский Союзонь Маршалхненъ портретсна. Моркшть лангса, коса работай комиссиясь, якстерь кумаценъ скатерь, панчфт и призывниконъ тефт.

Вов панжевсь кенкшсь. Сувасть кафта стройнай цьорат—Белянуш-

кин и В. Д. Ивановсь. Ваномок синь чистай теласнон лангс, вльне мялестка лад. Ко-нашкава развитайхть синь физически, конашкава синь стройнайхть.

— Иванов!

— Мон Ивановсь,—бодрайста отвечась фкя призывниксь, варжакстомок эсь мускулистой кядензон лангс, и стройнай ронгонц кувалмова.

— Кода лемце?—Кизефтезе танга военкомсь.

— Виктор Данилович!—отвечась Ивановсь.

— Шачема кизоце?

— 1920-це кизоня.

— Комсомолецат?

— Да.

— Мезьса занимадайхть родителхне?

— А кие содасыне. Улихть ли синь монь?! Мон нинге потяй шабакскиге кода-бди очутиндань Астраханонь идень куду. А мзярда сяда касонь, тоста воргондсь. Сань Мордовияв. Тяса путомазь монь Куриловский идень куду, ко-са воспитывалсь и тонафненъ марнек серезень касомс. Фамилиязе монь Налетнай.—Тя валонц азо-

мода меле комиссиясь оживленнай пеедема.—Сонь тейне путозь Куриловский идень кудса и лемтьке тоса максозь. Калдяволь монь идькс пингозе. Мон прокс аф содасайне тядянь и алян ласкатненъ.—И аф эсь воля комась сонь пряц. Бта мярьгат тя пингть лядьсть сонь мялезонза идькс пингонь сембе похождениянза.

Ня мрачней лятфнематненъ эзда вльне комиссияське кати кода крхкаста арьсезевсь и пач сочувствовандась Ивановти.

— Монь эряфсон,—танга ушедсь Ивановсь,—мянть тячиень шить самс ашель тяшкава оцю радость, кода тячись. Монь ули оцю мяле-зе честнайста и оцю дисциплинированность мархта служамс родной Якстерь Армиять боевой знамянзон ала...

— Кодама частьса мяльце служамс?—Кизефтезе военкомсь.

— Мон шоферан,—корхтазевсь Ивановсь,—аф калдявста содаса автомашинать. А штоба нинге сядла лац тонадомс сонь мон эняльдянь, штоба зачислили автомочасть.

— Эста ладна, эсь мяльценъ коряс и молят служама.

— Можна тумс?—Кизефтезе военкомть Иванов призывниксь и кенярьдезь лиссь щамонь щам.

Иванов ялгась седикс-ваймокс азондозе комиссияти марнек эряфонц. И виде, кода сяда крхканьста арьсес, то сон ашезь эльбеде, мзярда сон мярьгсь: „Тячиень шить коряс оцю радость монь марнек эряфсон ашель“!

Сон кода беспризорник, коса анычек ашель. Кода мярьгондихть, марнек светть йотазе, а цебяр ашезь няй. Сон аф содай тя-дянь алян кельгома валхт, седи вакстонь ласкат, мезень сюнеда Астраханский идень кудста воргондемда меле мянь Куриловский идень куду пачкодемс няйсь анычек калдяв, лама вачайш. Шарьхкодемок идень апак арьсек поступканзон, сон молемок Куриловский идень куду, танга ушедсь по-настоящему эряма: по-лучась образования, воспитандасть сонь эздонза культурнай ломань. Трудти — добросовестнай и честнай отношениясь и анычек чествайста и добросовестнай старобатамась колхозса няфтезь радостнай шить. Моли Якстерь Армияв почетнай воинкс. Вов кодама преданнай цьорат воспитандайхть советский идень кутне беспризорникненъ эзда.

Г. Пьянзин.

Ответ. редакторть инкса Дм. РОДИН.